

# Mud Volapüka

Nüm 75

22 setul 2017

---

## Bukemaboed

Fövot lekoned-mära yutopik  
„Ventürs hieła ‚Nenolikan‘ e flenas omik“  
fa hiel „N. N. Nosov“

Kapit teldeglulid. Lekäl Glöbülana.

Pos fug Murülana e Pilulülana dünotanef valik malädanöpa äjäfon me lekäl malädana balik: Glöbülana<, kel vemo irübikom demü kud sovemik de valikans lü ok. Nu äflagom dat kvisinoy supi de daifets e büli de jueged ad fided pro om; täno äbonedom ribotülis binü frag ko sod garidik, do alikan sevon, das ribotüls somik no dabinons; täno äbüdom ad lüblinön büli podik, ab ven älüblinoy büli podik, äsagom, das äbegom vaeti bünik; ven älüblinoy vaeti, äsagom, das vaet mismelon me beb u nog ämagälom bosu.

Jikälans valik efenükofs okis, ledunölo vimädis omik. Äsagofs, das neai älabofs malädani somik, das utan noe binon malädanu abgüä ebo binon pönu, e das usaunikomös vifiküno.

Dü göd alik älesedom jikälani bal seimik ad sukön dogi okik: Bulül< pö zif. Kü jikälana, efenikölo ad zigolön love zif, ägezugof ini malädanöp spetölo, das etan ya eglömom dö dog okik, Glöbülana zesüdiko esäkom:

„Etuvol-li oni?“

„Ut no komon valöpo.“

„Bo, igo no äsukol!“

„Yulob, das ifi=bestepob sütis valik!“



„Ab kikodo no ällilob vio ävokol oni?  
Motevolöd ad sukön oni dönu!

Jikälän glifik ädegolof pödio de yan e, no  
sevölo: kitopio golön<, semiknaiko ävokädo:  
„O Bulül! O Bulül! O deätik!“

Äsevofo, das vokäds ofik umiplöpons, ab  
äfölof flagi Glöbülana, bi äniludof, das atos  
takedükon malädani. Jikälani votik Glöbülän  
älesedom ad küpedön utosi, kelosi hicilils  
votik dunoms, e nunodön ome kilna a del:  
gödo, zedelo e soaro. Jikälani kilid äkoedön  
konön märis ome de göd jü soar [ünü del  
lölük], ed if märis no äbinons nitedikus, tän  
ämomofom ofi ed äflagom dat üdugoy isio jikälani  
votik, kel sevofo märis nitedikum. Vemo äskanom üf  
nek bevü kompenans ävisitom omi. Üf ek ävisitom  
omi, tän ämomofofom etani ed äsagom, das tupoy  
omi ad lezilön märis.

Pulnomar ädaküpof, das kalad malädana aiplu  
rübikon, ed äsagof, das etan evedom ad teldegiko  
badikumumu ka Murülan e Pilulülän kobosumo. Te  
libükom dese malädanöp äkanon yufön malädane,  
ab lög omik ai nog ädolon. Zuo Glöbülän it  
idämükom oki.

Balna, egalikölo gödo, isenom, das lög omik no  
dolon. Elöjutedölo dese bed, ärönom love  
malädanacem, ab no ebeærönom fagoti mö steps igo  
deg, bi edämükom lögi okik dub muf neskillik ed  
edofalom. Utan neläbik pi÷love÷polom me brads sui  
bed. Suno tümör svolik edavedikon [pö lög], e



vamot elöpikon soaro. Pulnomar äseadof galölo ünü neit lölik lä bed omik. Böl iläsikon danädü töbids ofik, ab lekäl löga izögikon dub jenot at.

Fino eletoy malädane ad löädön se bed brefüpio. Stutölo sui stütod e stutülölo len völs me brads, Glöbülän nevfiko ämufom love malädanacem e pianiko ädalärnom ad golön. Poso eletoy ome ad segolön ini yad tüpü düp bal e spatön zü malädanöp dugädü jikälän. Kalad malädana egudikumon dub spats at, evedom läs skaniälikumü, ab too ven tim ad gegolön ini malädanacem äkömon, tän Glöbülän äsäsüenikom ed ävokädöm: „No ugegolob!“ ed ätädom jikälane me stütod. Ämutoy gleipön e mekädo bedön [doseitön su bed] malädani.

Lekäl äplöpon sekü mesül fümälik at, e suno enotädoy Glöbülane, das pos del bal ulibükoy omi dese malädanöp. Hicilils e jicilils frediko älelilons nuni gudik at.

Belödans valik ekobikon tü del Ionabik lä nügolöp malädanöpa. Valikans äglidons malädani esauniköl, älegivons floris ome, ab etan äsagom:

„Nu binobs valik kobo! Te Nolikan e Bulül obik defons.“

„No dredälörös,“ - jicilils ätrodots omi - „ba, Nolikan orik e Bulül putuvons.“

„Lio utans it putuvons?“ - Glöbülän egesagom. - „Nedos ad sukön onis.“

„Si.“ - Nenolikan esagom - „mutos sukön Nenolikani stupik at, voto umoikom seimöpo nen obs.“

„Kikodo binom stupiku üfo?“ - sanan: Pilulülän< edodom.

„Lesi, binom stupiku e zu binom dredälanu.“ - Nenolikan egesagom.

„Leno binom dredälanu...“ - Murülän eprimom ad dodön.

Ab Nenolikan eropom omi:

„Seilölöd! Kim binom cifu bevü ogs: ol



u ob? U, ba, dönu vilol-li ad reafön ini malädanöp?“

Elelilölo dö malädanöp, Murülan eseilikom.

Nifaflogülan esagof:

„Ulonobs baoli tü sudel pötü fi=saunikam malädans valik, ab pas atos okanors detävön ad sukön Nenolikani stupik orsik. Ven utuvors omi, ujenükobs baoli nog bal. Atos obinon igo süperiku.“

„Süperö! Süperö!“ - valikans äfredons.

Äbinos nesevädiku, dö kis äfredons bu val: u va tefü mög ad fituvön Nolikani, u va tefü mög ad jenükön baoli zuik. Säkäd blebon no pe=daseivöl.

Vob ad deblinön flukis pe=finükon. Disteadape=kevs valik pe=be=steigädons lölöfiko, ab pods, büns e plöms mödik nog poslibons pö bims. Esludoys ad legivön onis hicililes di Kaitöp.

Valikans eprimons ad preparön baoli. Belödans anik äklinükons klöpapiad=ili danüdik pe=begloföl, votikans älöödons kiudi jönik zü klöpapiadil at. Spidülan, Seilan e Klufülan, blimölo okis me cüds, eprimoms ad bumön prieli tel=teadik pro musigalef lä piadil. Hicilils votik älöödoms buigis pro karbatazüdat, gladet e svids [daifets] votik. Vobs valik at äjenädons ön musig, bi Lür ilevälom ji=hap=anis deg skilikün ed inoganükom musigalefi. Etans nenzogiko eprimons ad dönuamaplägön.

Ästunükos bu val, das Klufülan ävobom lefäko. Äledunom valikosi, kelosi



äkomitoy ome, ed ädunom ludunis nonik. Äsva ilecenom lelölöfiko.

„Binos kio-gudiko, das yufor obes!“ - Katülan äsagof etane.

„Ab kikodo atos binon bisariku?“ - Klufülan ägesagom. - „Üf nedos ad yufön pö bos, tän fümiko ledunob utosi.“

„Dunor valikosi so lezilo, das atos vemo pliton.“ - Svalülan äsagof. - „Klülädos, das löfilor ab vobön.“

„Vemo löfilob.“ - Klufülan esiom. - „Ai löfilob ad dunön bosi. If vobod nonik komon, tän no sevob: kisi dunön< e primob ad dunön utosi, kelos leno pöton ad pa-dunön. Sekü atos te nesiäm davedon, e anna igo äsufom pönodi demü atos.“

Klufülan laodiko ebruvom [enünatemom] me nud ed eluröbom oni [nudi] me pun.

„Pönod kinik?“ - Katülan esäkof.

„Jokam.“

„Kisi sinifon jokam?“

„Ven flapoy oli.“

„Ag, neläbik kion!“ - Katülan evokädo. - „Buikumo no dunorös utosi, kelos no pöton. Buikumo visitorös obis. Vob seimik fümiko okomon pö obs pro or: nätükön kiudi, plaädön vitüri pebreiköl...“

„Rajanö.“ - Klufülan ebaiodom.

„Ab ukömor-li ad baol obsik?“

„Atos mögon-li?“

„Lesi mögos. Te ulavorös ori staböfiko, uköborös heremi ed ukömorös. Vüdots ori.“

„Rajanö, ulükömob. Danö.“

Katülan vemo äplidof, das



Klufülan äspikom so plüto ed igo edanisagom. Eredikof demü plid ed, edegolölo fagio kobü Svalülan, ävisipof etane:

„Obinos vemo fasiliku ad benodugälön omi.“

„Nedos ad lobön omi suvikumo.“ - Svalülan egesagof. - „Atos binon frutiko kol om. Ai, if odunom munosi, onedos ad blamön omi, ab if obitom pötöfiko, tän onedos ad lobön obi, dat osteifom ad laiβbitön pötöfiko dat oloboy omi nogna. Zuo, nedos betidön omi ad kondöt pötöfik, bi bruvom me nud so nejöniko.“

„Zuo labom spiki vemo miotälik.“ - Katülan eläükof. - „Nedos ad metodön spiki omik e pianiko deκkösömükön omi de vöds badik.“

Ettimo Klufülan, plidölo, das eloboy omi, ävobom nog lezilikumo. Ga utan alik plidon ven paβlobon.

*Reidolsös fövoti konota pö nüm fovik.*